

Astron.
402 f

Astron.
402 f

D
Della.




10

Bedeutung des ungewöhnlichen gesichts / so genent
ist eyn Comet / Welcher nach dem abnemenden Vier-
teyl des Monats / am tag Ruperti vnd daruor nit weyt
vom Mon / im zeychen des Lewen / vnd darnach
viltagauch gesehen worden / Durch meister
Mathiam Brotbeyhel vonn Rauff-
beuren Beschrybenn.

M. D. XXXij.

Mittag.



Auffgang.

Mitnacht.

Nidergang.

Lucanus libro primo.

Ignota obscure viderunt sydera noctes
Ardentemq; polū flammis, cœloq; volatæ
Obliquas per inane faces, crinemq; timendi
Syderis & terris minitante regna Cometes,

K

1881 * 1424





Dein Erwirdigen Edlein vnd

Hochgelerten Herren Leoni Leschenn / Doctor / der
Stift Mossburg vnd Isne Probst / zu Freysin-
gen Thumherr / Entbent ich Matthias Broz
beyhel von Rauff beuren / meyn willige
unterthenigkett.



Rwirdiger edler hoch

gelerter Herr / als ewr Erwird mir vō
wegenn der bedeutung / zukunfftiger
wirckung des Cometenn / der nach
Mathei des zwelfpoten / bisch auf heut
dato / all morgen erschynnen / vnd von
meniglich vor der Sonnen auffgang / bisch in .ij. stundt
gesehen / zu gesprochen hat. Also hab ich mich ernstlich
beslossen / alle vrsach der erscheynung / seyner farb vnd
wonung am hymel oder in Elementen / fleyssig abge-
nomen vnd erwegen / Derhalb füg ich ewer Erwird
hyerauff zu wissen / Wen Got der almächtig durch vn-
ser unsäuber leben thun vnd lassen / abnymbt / das wir
mer vnd screr nach dem trachten / am meysten nach dē
verlangen / vnd ymmer lust vnd begirde zu dem vnzym-
lichen dingn haben / das vns durch seyn Gotlichs heyl-
igs wort / verbotten vnd abgeschlagen ist / wen wir vns
selbs vnd die unsern / nach seynem Götbichen wollen zu
leben richten Alsdenn so schickt er vns auf väterlicher
warnung sollich gesichtlich boten / seyn Götlischen zorn
das er den sundigenn creaturenn / die nach dem fleysch
mütwillig leben / feynd sey / anzuseyge / das er vns recht-
lich vñ billich straffen / vñ nichts anders dann vns / vmb
unser verdienst zalen wölle / Und doch mit darumb / das
wir vns leyb erwirgenn / verderben / oder ym eynigerley
schaden thun sollen / sonder alleyn seyner schalckheit vñ
mütwillen weren / vnd vns zu eynem büffertigen leben

8 ij

wenden/damit wir alweg in den gegenwärtigen Got-
tes gaben vñ gütthaten / die künſtige, mögliche vbel
vñ vñradt/mit früher fürtrachtung bedencken vnd zu
ȳm ruffen vnd schreyen/seyn gnad vns mit zu teilen vñ
die merc̄liche gewliche straffen/vmb vñſer sunde wil-
len fürgenomen/nachlasse .

Vnd wen wir ellende tödtliche menschen / hynfur an
weyter in schalckheit/hoffart/vnlanterkeit/geyzigkeit
vñ in allein schnöden gewyn/mit vnerſetlichem wollust
leben (das doch zu keyner vergangner zeyt vñſers Chri-
ſtenlichen glaubens/in gemeyn die menschenn als vbel
nie gelebt/noch bey den Christenn vbler gestanden ist)
Alßdeß wirdt Got vngezweiffelt sein fürgenomē zoren
vns das überflüssig sundig leben zuveren volstrecken
vnd die vnauff hörliche langwerende straffen vñ plagē
durch dyffen Cometen bedent/hirnach beschrieben/sam-
entlich über vns alle eynfuren .

¶ Ptolomeus der furtrefflichſt schreyber/ des vr-
teils d̄ gestirn/jagt im ḡdn buch quadripartit am ersten
Capitel/der gleichen in der hundersten letzten red / wye
das alle ding in den Elementen begriffen/auf zusammen-
fugung der Planeten/ Finsterniß Sonnen vñ Nlon/
erscheynung der Cometen / geregiret vñ gefurt werden/
also/das auf solcher vermischtung vnd eynfluß kryeg/
pestilenz/hunger/groß hitz/trückne/erseyhung d̄ prun-
nen vñ wasser/groß gewesser/erdbidē / gewaltig wynd
ersteen vñ bewegen .

Dieweyl wir dan̄ finden / das bey vñſern vor eltern
auch Cometen (wie Hali im achtē teyl am . xli . capitel
schreybt) vnd andere wundbarliche ſeltzamme gesichts
vnd erscheynungen in Elementē am hymel offt erschy-
nen sind/vñ ſolche erschreckliche erscheynungen/ nye

on grosse mercliche verenderung / durch heerß krafft
Esamling / d Königreich / Fürstenthumb / Stet / Sect /
vnd gesetz zergehungten gereyht haben / gleicherweyß
ist bey vnsfern zeyten offtmals drey Sônen / mit Circk-
len / etlich Cometē vnd vngewonliche zeichen erschynen
vnd vns mit ynnerlichem erschreckē gesehen / das eyt
yeglich mensch wenigs vstands vñ geschicklichkeit / wol
mit warheit sagen darff / das solche wunderbarliche ge-
sicht / nicht on sonderliche wirkung zerschliessen mûgē.

So dan̄ von wîcklîc̄eyt aller Coniunction in sun-
heit / nach vil vngewiter der trübnussen ytz die eingen-
de Jar vber vns komende vorhandenn sind / vnd auss
d Coniunction Saturni vñ Martis am neündten tag
Aprilis nechst verschyne / im. xxiiij. grad der zwilling bey
dem Mon / ir gift zuhaussen bracht / also / d̄ sich dyßer
Comet auf solcher vnd andern vrsachen erhebt / Und
auch darior der boshaftig aller haderey anhengig
Mars / dem Jöve gewaltig fur seyn eygene behausung
gelegert vnd trüglich entgegen gesetzt / sampt bedeu-
tung diß erscheyne erschrocklichen Comente / volgt
hernach.

Wie ich den Cometen von Michaelis bis auff hent /
alle morgen / vmb dreyt vier / funff vr bey hellem hymel /
im außgang der Sône selbst gesehē / vñ nach meynens
Eleynen vermuugen / schwaches verstandts abgenomen
so ist er vnter dem zeichē Leo in Elementē gestadē vñ
sich wûdbarlicher bewegung braucht / hin vñ wid / auf vñ
ab / vñ dē schwatz alweg vō d Sonne gstreckt / vñ nach
meynung Leupoldi vñ Hali Abenragel / so bedeut er / bald
anfahēde krieg / vnd groß blütvergiessen / gegen auß-
gang der Sonnen / großmechiger Herrenn kriegs
rustung / von eynem Königreich in d̄ and / von eynem
landt in das and / von eyner Sat in die andern / vrsache
seyn wunderbarliche bewegung. So den d Leo dy Tur

Eben bezechnet/vn dem Saturno/der Turckē Patron/
entsetzung seines gewalts zu nahet/so vrteyl ich auf dy-
ser hochlobliche Kunst(doch andern vrteyl unvergriffē)
das nahe bey ausgeendem Jar/vn etliche Jar darnach
in sondheit dy wirkig deserschredliche Cometē/vber
die Turckische Orientischē lande geen werde/dy selben
mit heers macht durchzogē/zerstört / verhōrt / vn dye
Turckē grausemlich erwürgē vn erschlagen soll werden
vn gefangen nemē/das sie Christū verleugnen vñ seynn
volk vn gesetz verschmehet/wie zu den zeytē des Tur-
ckischen Keyzers Pazaiten/ d̄ liderlich gar nahe dz gāz
Traciam on Constantinopel vn Peram/aber Macedo-
niam/ Phociden/ Baoiam vnd andere land vnter sich
bracht/auch ein Comet im Orientischē angel / wie der
gesehē ward/vn nit laudt darnach/wie Pontanus vber
das hundertest worts Proloimei schreybt/das sich dor
Camorlaus ein gewaltiger König der Scithier vñ Par-
thier/ mit zwelff hūbert maltausent man/ gegen disem
Turckischen Keyser erhūb/vn siget im ab vil lande/lent
vñ stet/vn fieng den Turckischen Keyser Pazaitē/legt yn
an eyn ketten vntern tisch/ gleich wie eym hund im zw
essen verordnet/vñ wen der Camorlaus auf wolt reyte
brauchet er den Turckischen Keyser fur eyn fußschemel
vn stock/zu einer hilff auß seynn pferd zusitzenn. Wie es
weyter gangen sey/lissium Eneam in seyner Europia
am iiiij. capitel des dritten büchs. Es wirth durch den
Poeten/in beschreybung des tods Keyser Julij gemelt
das die Cometen alweg Krieg bezechnete seyn / offenlich
gemein / odder heymlich vn sonderlichen zancē/vnwill
hader od empörung/mit disen worten.

Non alias cœlo ceciderunt plura serens
Fulgura, nec diri toties arsere Comete.

Er bezeichnet auch grossen widerwillen / vneyngkeys
der Ratsfrunde/vñ andern geistliche vñ weltliche sten-

den/so samentlicher pflicht handlen müssen/ das dy sel
bigen wenig frucht/durch yhre widerwertige gemüth
pflanzen werden.

Er bringt auch mit anderer Planeten zufal vnd hilff
pestilenz/den todt der hohen personenn / augenn wee/
krankheit der wolff/wünckheit d hund / den hunger vn
andere gehaußte plage/vn dz in sondheit dy wirkung
des Cometē/vber d Türkischē Oriētischen lande/Rom
Wehm vn ande Königreich/fürstethüb/Stet/Mercis
Dürfer vn Fleckē/dē Leo on alle mitel vnterworffē geen
vn erfult werde/ aber doch sollichs geißlen vn straffen/
vns gar nicht pflegē od vrsachē gebē/vō vnser boscheyt
vn elendē sundigē leben abzuwendē / darüb sol wir vns
mit zusätz erfreuen/ den disser Comes sich welzer rings
weyß vmb vn vmb/vber vns alle/Dañ was vō einer yeg
lichenbōsen vbel/ das vber die ernestē gegene geen sol/
vber bleibt/dz selbig alles vngeschmachs vñ saur/werde
wir beyd geistlich vn weltlich personē müssen verderben
dz schir Keyn haß in vnsern landē gfundē wirt/ dem nis
dyses erschreckliche Cometē stramen / mith vilfältiger
betrübung dareyn geschinen Vn wen es also etliche iar
vbel vn kümmerlich geet / alßden werden widerumb gute
ordnung gemacht/vn die selbigē in beständigem wesen
gehalten/gute Oberkeit gesetzt /den billiche gehorsam
geleyst wird/ aber selig wird der / der sols erlebt .

Das hab ich ewer wirde zu eeren wollen offnen / mit
vnderthenigem bit/wellet solche kleyne eer/von eyner
Keynē ringē person nicht vſchmeē/Dañ ewer Lerwirdē
vnd den ewern/mit aller meynre vermügligkeit zu dy-
nen / byn ich geflossen / vnd zu volbringen bereyt

Datum Freysingen/als man zalt funfzehē
hundert vnd im zwey vnd dreyssigisten

Jar/ am vierzehenden tag des
Weinmonats.



21.09.89

Astron. 402 f.

